



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Vita, Et Gestis S. Francisci Xaverii È Societate Iesv  
Indiarvm Apostoli Libri Qvatvor**

**Bartoli, Daniello**

**Lvgdvni, 1666**

60. Oræ Piscariæ eximia pietas.

**urn:nbn:de:hbz:466:1-10854**

quod ad rem Lusitanam minimum interesset, insulas tenues, & macras, auri & aromatum steriles habere tributarias; nunquam sat serio Gubernatores Indiae animum adiecerunt, ad miserum Regem ope valida iuandum. Inter haec nobilem duxit Lusitanam, & spe semper inani se sustinens recipiendi imperij, priuatus, & pauper Cocini consenuit, atque illic in acerbissimo dolore de morte filij in aula Hispaniae pugionibus confosli vitam clausit.

60

Ora Piscaria  
eximia pietas

Nullus tota India colonis suis campus Piscaria ora feracior, quinque illam inter se Societatis Patres diuiserant, nec vnum sed multos singuli populos excolebant; quin & Antonius Criminalis vnu totam complecti videbatur; percursabat enim illam perpetuo, ut qui nostris vice Xauerij praefset, & patrem agebat Christianorum omnium communem. Patres operum, quae cuique obtigerant, alius quindecim, viginti aliis, aut plures instituebat Pagos, & in iis ad Christianorum millia ducenta, eò enim iam fructus cumulabant sementem ab Apostolo Xauerio primum factam. Iis cum tota nostrorum contentio necessariam operam non posset sufficere, lecti sunt passim qui vicariam iis praebarent manum & tate ad durandos sudores integra, diuinorum egregie callentes; probatae diu perspectaque virtutis, quos ubi res poscet (poscebat autem sepissime, vel ob incursionses Badagorum, vel ob Bracmanum infidias) prompros fore non dubitaretur, pro Christo sanguinem animosè pacisci. Quod virtutis robur cum ægre ad paucos pertineat, ex multis qui vltro huic agoni deuouebant, designati sunt tantum decem. Hi fratrum saluti curanda, sponte, nulla mercede, nisi aeterna auctorati, adire Pagos, inspicere, querere, scrutari quid probi, quid secus à Christianis moribus deuium, deque eo ad Patres referre. Sciscitari de Canacopolis, seu Cathachistis, quam diligenter munere fungerentur; & quod ea in ora, vindicunque id fiat, pars ferè media infantium moritur, Baptismo tingere, quos infirmiores reperissent. Ac fuisse quidem eiusmodi hos viros, ipsi met Patres aiunt, nihil ut ipsis de Societate praeter vestis habitum defet, sed desideria populi non ita explebant, ut nostrorum presentiam optare, & postulare desineret. Quare ne aliqua inter se mutua pro nostris inuidiola scinderentur, suum pro numero communitati cuilibet prescriptum est, statutorum dierum ad confessiones tempus; quod ei dum impendebatur, alij moram non ferentes, urgebant per numerios aduentum Patrum, pie queritantes, essentne pro spuriis Ecclesiarum filiis negligendi, pretermittendi, & abigendi procul, dum Patrum labor sollicitus, ac praesens ubertim alias recrearet? Cum vero Pater quod erat sortitus Commune adiret; occurrebat illi magna festaque frequentia, & quādiu illic morareretur, velut operum omnium, & negotiorum indictio iustitio, vni animarum tractando negotio tempus omne dabatur; sed ita distributum, ut partem pueri, partem viri, partem mancipia sibi suam haberent; puellis similiter, conjugatis, ac viduis suæ ad animi procurationem concedebantur horæ. Ad haec iuuenturis educationi præstabatur sollicita

sollicta opera, & qui sodalibus multum ingenij bonitate, vel indolis præ-  
irent; transmittebantur Punicalem, quod frequentissimum, & totius  
Piscariæ, princeps est oppidum, vbi piorum largitate Henricus Hen-  
richæz seminarium alebat; imò hinc etiam Coulanum urbem Trauancoris  
destinabant ad Nicolaum Lancillotum, qui centum illic docendis ado-  
lescentibus suum per se laborem nauabat. Expertos quippe docuerat  
dies, ad fouendam in iis populis, religionis, morumque sanctitatem,  
nihil æquè conducere, in tanta operarum inopia, vt vsum talium domo-  
rum, in quibus eo innocentis vitæ candore agebant ij iuuenes, ea rebus  
diuinis applicabant assiduitate, vt iis Deus non raro ad edenda miracu-  
la vteretur; & nunc aqua lustrali, nunc attactu prelatorie coronæ,  
modò recitandis ex more orationibus ægrotos sanarent. Christi autem  
mysteria sic erant edocti, vt remissi ad suos, magistrorum egregiè munere  
fungerentur. Nec minoris fuit quoad animos vsui, Nosocomium illic  
à Patribus aperatum, in quod Piscariæ totius ægroti pauperes deferren-  
tur. Quod genus liberalitatis, vt nouum Barbaris, ita illos ad religio-  
nem incredibiliter animauit, quæ materno sensu caritatis, tam piè suis  
succurreret. Huic multum adiecit estimationis Dux ipsemet Manuël  
Rodriguez Cotignus vir sanctus, quo scibunt Patres, qui penetrareret  
altius in officia virtutis, fuisse tunc in India neminem. Is sibi hoc in No-  
socomio metatus hospitium, pauperes illos ægrotantes sibi in familiam  
adscriptis, mouitque alios exemplo illustri ex eo populo insignes, vt Dei  
amore ac reuerentia, suum famulare obsequium ægrotis addicerent. Al-  
tera quoque à Patribus instituta ibidem hospitalis domus, sed solis mili-  
tibus, qui oram illam stipendio regio tuentur. Cùm enim miseri, ex  
insueti victus incommodis, vel cœlo astante in mōbos incidenter, hu-  
mi iacebant destituti; ad summum in littore sub desertis pīscatorum um-  
braculis, egestate magis quam morbo interabant. Præter has ædes pu-  
blicæ misericordiæ leuandis corporibus positas, fundarunt Patres com-  
plura cuiuis Vniuersitati Templæ, in quibus animorum excoletur, &  
proficeret pietas, quæ pro gentis architectonice, erant proīsus elegan-  
tissima, vt videretur amoris ingenio, quem conferebant ad ea construē-  
nda, artis ignoratio compensari. Fabrum quisque lignarium, quisque  
murarium agebat; adulti, pueri, nobiles, plebeij, nemo immunis ab  
opere, omnes partem honoris in adīficandâ Dei domo ambiebant; ad su-  
pellecītem verd, & ornatum, vt illic pulcherrimus parati poterat, lar-  
gius etiam quam inopia sineret conferebant; nec erat tam egens, quin  
vellet de suo aliquid inter ornamenta Sacrōrum agnoscere; quin & sum-  
mis annos angustiis, quas anni arentis sterilitas fecerat, nihil patiūs  
quam annis benignoribus donaria Ecclesiis venerunt. In eas mos fuit  
diu, noctuque congregari, ad preces decantandas, & recitandas con-  
tentis vocibus fidei regulas; in eas ægrotos deportari, maximè pueros  
ex quibus multi optatam sanitatem cūdenti miraculo reportabant; in  
iis item lites cum Ethnicis decidi, permitta nimis iudicio diuino

Gg sententia

sententia ; exigebatur enim ethnicorum coram altari & cruce iusurandum, sequebaturque periuros, aut improvisa mors, aut calamitates, quibus manifeste ab insontibus reos index idem & vindicta secernebat Deus. Ecclesiæ demum sua contra Mauros, & confines ethnici propagacula vocabant ; quod quibus in locis & plures, ædificarentur, & reverentius haberentur, eo esset barbarorum incursio rario, faciliorque depulsio. Principio tamen defendi armis illas oportuit, & quidem acerrime : ille-  
ti præda quam ex iis opimam facturi erant, turmatim crebro ethni-  
ci irruebant ; Christiani ad primum eorum conspectum raptis subito ar-  
mis concurrebant, fœminæ iuxta, & pueri cum viris, in Ecclesia mori,  
quam ex ea expelli promptiores ; cumque nocturnis ut plurimum irru-  
ptionibus petarentur, institutæ ab iis ad tempora armata excubia, &  
custodum vices, stationesque perpetuae ne vallis unquam horis essent ad  
excipiendum hostem imparati. Elusit nihilominus hanc diligentiam dy-  
nasta ethnicus, & ignem Ecclesiæ cuiquam tam occultum subiecit, ut  
magno Christianorum luctu tota conflagraret : verum quod ij non vale-  
bant, mox Deus sacrilego rependit ; suo enim illo præclaro facinore  
dum sibi mirificè applaudit, totius corporis excruciam coruptus  
terribili, agnoscit statim mali causam, & manum ; quare ad Christianos  
confidentius pro remedio, quam ad medicos mittit, iurans per quicquid  
est, instauraturum se sumptu suo & ornaturum templum, incenso ma-  
gnificentius. Sed Deo sacrilegis documentum in eo, volenti edere, exo-  
rabilis non fuit, dilabente inter summos dolores & rabiem corpore vi-  
nuero infelicem animam euomuit. Nec multo mitior alterius casus, qui  
fratrem è nostris gladio inuasit, quod vetaretur ab eo Fanum Idolo struc-  
re ; tertij quoque etiam peioris, qui refixam crucem, in frusta seuerat,  
eaque ad summum dedecoris pedibus procularat. His tamen ostensis  
nihilo cautor Bracmanum infania, pergebat vicinos Piscariæ Reges in  
Christianos concitare ob illata Pagodibus probra. Eos enim pueri ceter-  
uatim, sagacissimè venabantur, & vbi cumque reperissent raptare in lit-  
tus, mari demergere si possent ; si moles aut pondus prohiberet, laxis, &  
fusibus denasare, suaque in ara deformatos, ac mutilos visuque ridiculos  
omittere. Bracmanes præterea tam nihili erant, non modo ut Henriches  
Malabaricè una & Maleamicè apprimè sciens, ducentos vnu ad dispu-  
tandum prouocaret, verum & pueri quos erudiebat, ad expulsionem dæ-  
monum ex arreptitiis secum tentandam instigabant, utri nempe illos  
elicerent ? Bacmanes suis cantilenis, an ipsi signo Crucis : sed suæ miseri-  
vtrobique conciij imbecillitatis, nec posse disputando veritati obfisteret,  
nec virtute fugare dæmones, erubescabant scilicet hominum oculos toto  
illo tractu, Fanisque, & Idolis desertis, aut latebant obscuri, aut aliò  
migrabant.

Regis Trichi-  
namali, &  
Bachm. con-  
seruo.

Ad hæc illos intime torquebant tot millia quæ sua quisque in sorte  
Patres ab Idolis ad Christum traducebant, ut cum operis partem praci-  
puam, in Christianorum veterum firmando fide, & pietate fouenda col-  
locarent,